

Pojedini brojevi:	Mjesečna pretplata:
U Beogradu i u krajevima zapadno od n. i kr. četa po cijeni od . . . . . 8 halera	U Beogradu i u krajevima zapadno od n. i kr. četa po cijeni od . . . . . 2-
U Hrvatskoj-Slavoniji, Bosni-Hercegovini i Dalmaciji po cijeni od . . . . . 10 halera	U Beogradu sa dostavom u kuću . . . . . 2-50
Iznos ovog područja po cijeni od . . . . . 12 halera	U Hrvatskoj-Slavoniji, Bosni-Hercegovini i Dalmaciji . . . . . 2-60
	U ostalim krajevima Austro-ugarske monarhije . . . . . 4-60
	U inostranstvu . . . . . 4-60

Uredništvo: BEOGRAD, Vuka Karadžića ul. broj 10. Telefon broj 83.  
Uprava i primanje pretplate Topličin venac broj 21. Telefon broj 25.  
Primanje oglasa Kneza Mihajla ul. broj 38. Telefon br. 245.

Br. 177.

BEOGRAD, subota 30. juna 1917.

Godina III.

## Ratni izvještaji.

### Izveštaj austro-ugarskog glavnog stožera.

Kb. Beč, 29. juna.

Istočno i jugo-istočno bojište: Izuzetno pojačanu borbenu djelatnost, nema ništa da se javi.

#### Talijansko bojište:

Jugoistočno od Gorice i u odsjeku Piöckena bila je življa neprijateljska topnička djelatnost.

#### Načelnik glavnog stožera.

### Izveštaj njemačkog vojnog vodstva.

Berlin, 29. juna.

#### Zapadno bojište:

Front prijestolonasljednika Rupprechta bavarskog: U Flandriji je topnička djelatnost samo u nekim odsjecima bila nešto življa. Mjesne borbe razvile su se jučer između kanala La Basse i Scarpe. Na zemljištu, koje smo pred duže vremena napustili u oblasti zapadno i jugozapadno od Lensa odbijen je rano u jutro preduzet engleski napad na drumu za Arras. Uvečer navalile su mnoge divizije između Hullucha i Mericourta, pa od Fresnoya do Gevelle poslije jakke topničke pripreme. Kod Hullucha kao i kod Loosa potisnut je neprijatelj vatrom i našim protivnapadom. Zapadno od Lensa poslije borbe sa našim predpoložajnim četama, nije došlo do nove neprijateljske navale. Kod Aviona potpuno je propao neprijateljski napad, koji je izvršen sa osobitom snagom. Između Fresnoya i Gavrelle-a popunjavano je neprijatelj svoje proredjene redove uvijek novim četama. Poslije ogorčenih borbi na nož utvrdili su se Englezi u našim prednjim rovovima između Oppya i vjetrenjače kod Gavrelle-a. Naše su se čete borile izvrsno, a neprijatelj je pretrpio izvanredno velike gubitke.

Front njemačkog prijestolonasljednika: Na Chemin des Dames potpuno su uspjela preduzeća westflaskih pukova kod tvrđavice Malmalson, južno od Court-Cona, jugoistočno od Aillesa i istočno od Cernya. Ovdje je zauzet francuski položaj u širini od 1000 metara i jedan tunel, kojega je neprijatelj osobito oštro branio. Svi noćni protivnapadaji su odbijeni. U ovim borbama zarobljeno je 150 neprijateljskih vojnika, a zaplijenjeno je nekoliko mašinskih pušaka. Na zapadnoj obali rijeke Maase proveden je dobro pripremljen napad na vršinu 304. Poslije kratke vatrene pripreme navalili su posijlski pukovi u snažnom naletu na francuske položaje uz obe strane drumu Malancourt-Esnes i zauzeli ih u širini od 2000 i dubini od 500 metara. Neprijateljski protivnapadi odbijeni su u novim položajima. Danas ujutro jurišao je jedan murtemberški puk u šumli Avancourt neprijateljski utvrđeni položaj u širini od 300 metara. Do sada zarobljeno oko 550 neprijateljskih vojnika. Plijen još nije prebrojen.

Front vojvode Albrechta württemberškog: Nema osobitih događaja.

Na istočnom i mačedonskom bojištu je položaj nepromijenjen.

#### Prvi zapovjednik glavnog stana pl. Ludendorff.

#### Njemački večernji izvještaji.

Kb. Berlin, 29. juna.

Na zapadu nikakve veće borbene djelatnosti. Na istoku je poslije našeg jakog protiv napada nastupila povećana napadačka djelatnost ruskog topništva.

## Odluka o ruskoj ofenzivi odgodjena do jeseni. Tajni ugovor između Rusije i Rumunjske.

### Borbe na zapadu.

Kb. Berlin, 29. juna.

Njemački je položaj na Lensu izdržao sve bijesne napade engleske vojske. Njemačke baterije, koje su ovdje prikrivene, nanijele su protivniku velike gubitke. Postrojenja na ulazima u rovove razrušena su, strojevi uništeni, a okna su potopljena. Tim načinom su Englezi upropastili francusko narodno imanje u vrijednosti od nekoliko milijuna. Kako su i njemački položaji srazmjerno stradali, to je i glavna linija odavde već od dužeg vremena povučena. Taktika generala Halga, koja je imala velike gubitke, trpila potpun neuspjeh. Samo je na zapadnoj ivici kod Oppya i kod mina Gavrelle pošlo napadačima za rukom da zauzmu na juriš prostor od približno 1000 metara širine.

### Tajni ugovor Rusije sa Rumunjskom.

(Naročiti brzojav „Beogradskih Novina“) Stockholm, 29. juna.

„Pravda“ od 31. maja iznosi pred javnost tajni ugovor Rusije sa Rumunjskom. Prema tom ugovoru imala bi bila Rumunjska dobiti kao svoj „objednički plijen“:

1. Bukovinu sa 10.441 četv. kilometrom i 1.800.300 stanovnika;
2. Transilvaniju (Erdelj) sa 57.243 četv. kilometra i 2.669.700 stanovnika;
3. Banat sa 28.507 četv. kilometara i 1.578.600 stanovnika;
4. Sumlu i Varnu sa 13.000 četv. kilometara i 650.000 stanovnika.

Svega bi Rumunjska dakle prema tom tajnom ugovoru sa Rusijom imala da dobije 109.000 četvornih kilometara zemljišta sa 6.600.000 stanovnika, ili dvostruko koliko je Rumunjska brojala prije rata.

„Pravda“ primjećuje: Nikada još nije bio razbojnički karakter tako jasan, a neiskrenost i lažnost tvrđenje o borbi za „odbranu domovine“ tako očigledna kao kod Rumunjske. Niko se nije spremao, da napadne Rumunjsku. Fraza je dakle o odbrani bila u Rumunjskoj prosta prevara. Mi se borimo — piše dalje „Pravda“ — radi pljačke. Ovo je lozinka svih sporazumnih vlada u sadašnjem ratu. No napose cinički, naročito drskim načinom proveden je taj princip od strane rumunjske vlade. Dosada su u štampi u glavnom objavljena tri tajna ugovora i to englesko-ruski o podjeli Perzije, rusko-talijanski i rusko-francusko-rumunjski. Svi su ti ugovori najprostiji razbojnički ugovori. Ako nam se danas dakle savjetuje, da ostavimo vjerni našim saveznicima, to ovo u stvarnosti znači, da bi morali ostati vjerni svim tim crnim ugovorima, koje je utanačio car sa grupom bankara.

### Vijesti o pobuni srpskih časnika i vojnika.

#### Strijeljani časnici. — Uzrok ministarskoj krizi.

(Naročiti brzojav „Beogradskih Novina“) Beč, 29. juna.

„Zeit“ javlja iz Zeneve: Među balkanskim Slovenima, koji ovdje žive, kruže vrlo uznemirujuće vijesti o pobuni između srpskih časnika i vojnika na mačedonskom frontu. Pokret je izazvala republikanska politika i pristalice zasebnog mira. Misli se, da su u ovom pokretu umiješani i ruski pristi. Od kolovođa su u prisustvu engleskih, francuskih i talijanskih odjeljenja strijeljani zapovjednik Dragutin Dimitrijević, pukovnik Ljubomir Valović i poručnik Rade Malobabić. Pukovnik Popović je pomilovan na 10 godina teške tamnice, jer je u borbama teško ranjen. Pomilovan je jedan konzul. On je radio po naredjenju manjine u srpskom kabinetu. Posljedica ovog događaja je bila i ministarska kriza na Krfu. Srpski republikanci su izjavili, da je pokret htio da zbaci dinastiju, jer ona dopušta da se i ostaci srpske vojske sature na bojištu.

### Ruski haos.

#### Odluka o ruskoj ofenzivi odgodjena do jeseni.

(Naročiti brzojav „Beogradskih Novina“) Haag, 29. juna.

„Daily Mail“ javlja iz Petrograda: Pripremni odbor sveruskog kongresa radničkog i vojničkog savjeta je riješio, da ustavotvornoj skupštini, koja će se na jesen sastati, ostavi da ona riješi, hoće li se ili neće pristupiti ofenzivi.

#### Obustava djelovanja rusko-francuskog društva.

(Naročiti brzojav „Beogradskih Novina“) Beč, 29. juna.

Korespondencija „Rundschau“ javlja iz Zeneve, da je francusko-rusko društvo u Petrogradu, koje je izradjivalo potrepštine za vojsku i stajalo na prvom mjestu, moralo da obustavi rad i zatvori sve svoje tvornice.

#### Desorganizacija ruske vojske

Značajna poslanica časnika 11. ruske vojske.

Kb. Stockholm, 29. juna.

Cjelokupan časnički zbor 11. ruske vojske isposlao je slijedeću poslanicu na privizornu vladu u Petrogradu:

Obzirom na činjenicu, da posljednje naredbe ministra vojnog nijesu bile u stanju, da opet uspostave disciplinu u ruskoj vojsci na bojištu, nego što više, da je na taj način uništen i posljednji ostatak discipline, smatraju potpisani za svoju dužnost javnosti prikazati neodrživo stanje, koje vlada u cijeloj ruskoj vojsci na bojnopolju, kao i dokazati svoju nemoć, da se potrebna disciplina opet uspostavi. Molimo s toga, da nam se dozvoli stupanje u koju savezničku vojsku, ili da nam se oduzmu činovi i da ostanemo u vojsci kao prostovoljci. Pošto mi nijesmo sporazumni sa započetim pseudo-reformama, odlažemo svaku odgovornost za uništenje vojske a na taj način i propasti otadžbine.

I časnički letački zbor upravo je sličnu poslanicu na ministra vojnog Kerenskog.

#### Rusija nesposobna za dalju borbu.

#### Priznanja francuskog novinara.

(Naročiti brzojav „Beogradskih Novina“) Zeneva, 29. juna.

Eduard Roussier piše u članku o Rusiji u časopisu „La semaine literaire“: U jednome je saglasan cijeli ruski narod, od kneza Lwowa do posljednjeg seljaka, da je zemlja u sadašnjem stadiju nesposobna za dalju borbu. Ako se znade, da se uz najveće molbe dobija u ratnim fabrikama tek neznatni dio rada; ako se dalje znade, da general Aleksejev mora upravo zaklanjati svoje čete, neka za Boga ustraju u borbi, — onda je vrlo teško doći do protivnog osvjeđenja. Mir dakle neka što brže dođe.

#### Poručnik upravnik municionog ministarstva.

Kb. Petrograd, 29. juna.

Privizorna vlada imenovala je poručnika Labedeva upravnikom municionog ministarstva.

#### Pitanje rusko-diplomatskog zastupanja.

(Naročiti brzojav „Beogradskih Novina“) Bru, 29. juna.

„Temps“ dobiva naročiti brzojav iz Petrograda, da je ministar Terščenko izjavio, kako Rusija privremeno ne će imenovati nikakvih poslanika za Paris i London, nego će onamo odaslati slične diplomatske misije, kao što je ona poslana u Washington. U tim bi misijama bili zastupnici najrazličitijih političkih struja, ako bi te misije u istinu predstavljale mišljenje cjeloga ruskoga naroda.

#### Pripreme za saziv međunarodne konferencije.

(Naročiti brzojav „Beogradskih Novina“) Stockholm, 29. juna.

Izvršni odbor petrogradskog radničkog i vojničkog savjeta je riješio, da u skoro pošalje naročito izaslanstvo u Francusku i Englesku radi pripremanja što skorijeg saziva međunarodne konferencije, na osnovi odluka, koje je izvršni odbor primio.

### Novi uspjesi njemačkih podmornica.

Kb. Berlin, 29. juna.

Wolffov ured javlja: Naše su podmornice ponovo potopile: 1. u sjevernoj zabranjenoj zoni 26.400 brutto tona. Među potopljenim brodovima nalazili se između ostalih: naoružani engleski parni brod sa 5000 tona, kao i jedan veliki nepoznatni razorač; drugi potopljeni parni brod blo je natovaren životnim namirnicama za Englesku. 2. U Sredozemnom moru je potopljeno 27.042 brutto tona. Među potopljenim brodovima su se nalazili: engleski naoružani parni brod „Heltonian“, naoružani talijanski parni brod „Monte bello“. Koliko je poznato, potopljeni brodovi bili su natovareni ugljem, životnim namirnicama i drvima.

#### Načelnik admiralskog stožera mornarice.

#### Grčka tragedija.

#### Venizelosove namjere.

Engleski princ grčki kralj. (Naročiti brzojav „Beogradskih Novina“) Haag, 29. juna.

Burows, intiman prijatelj Venizelosa veli, da će Venizelos upotrijebiti sav svoj upliv, da parlament izabere jednog engleskog princa za kralja. Burows potvrđuje, da je Venizelos tvrdo odlučio, da zvanično objavi ratsredišnjim vlastima.

#### Smjeri Venizelosa.

(Naročiti brzojav „Beogradskih Novina“) Zeneva, 29. juna.

Atenski brzojavi pariških listova javljaju: Venizelos će, kako se govori primiti portfelj vojni i mornarice, general Danglis biće imenovan za glavnog zapovjednika. Očekuje se mobilizacija grčke vojske i pristupanje četvornom sporazumu, odnosno objave rata Bugarskoj na osnovu grčko-srpskog ugovora.

Na protest kralju vjernih Grka petrogradskom radničkom savjetu Kerenski je odgovorio, da nije ništa znao o smjerima Francuske i Engleske, da kralj Konstantina svrgnu, inače bi on protiv toga protestovao.

„Journal“ veli uvjerljivo, da se venizeliste nadaju da će Janinu osloboditi od Talijana, te je vjerovatno da će doći do razmirica između Italije i sporazumnih sila.

#### Događaji na Peloponezu.

(Naročiti brzojav „Beogradskih Novina“) Zeneva, 29. juna.

Računa se, da čete koje su ostale vjerne kralju Konstantinu i stoje pod zapovjedništvom „veleizdajničkih“ časnika na Peloponezu, broje oko potpune četiri divzije.

#### Zaimisova ostavka.

Kb. Atena, 29. juna.

Sporazumne sile su od Zaimisa zahtijevale, da raspusti komoru. Zaimis nije se tome zahtjevu odazvao, nego je podnio ostavku.

#### Rat sa Italijom.

#### Strah Italije pred austrijskom ofenzivom.

(Naročiti brzojav „Beogradskih Novina“) Zürich, 29. juna.

„Temps“ konstatuje u jednom svom dopisu sa talijanskog bojišta, da se situacija tamo još nimalo nije popravila. Talijanska vojska stoji još uvijek pod dojmom straha jedne velike austro-ugarske ofenzive.

#### Predstraža engleske vojske.

(Naročiti brzojav „Beogradskih Novina“) Lugano, 29. juna.

Talijanska je štampa ovih dana donijela jedan govor, koji je ministar Bissolati držao engleskom topništvu na frontu Krasa, u kome ga je pozdravio kao predstražu engleske vojske na talijanskom frontu.

### Rumunjska ofenziva.

Kb. Zürich, 29. juna.

„Neue Züricher Zeitung“ javlja iz Jaša, da je otputovala posebna misija za Petrograd, Rim i New-York, koja imade za zadatak, da uredi loše finansijsko stanje Rumunjske i potraži materijalnu pomoć saveznika pred rumunjsku ofenzivu.

#### Amerika u ratu.

#### Prvi američki vojni transporti u Francuskoj.

(Naročiti brzojav „Beogradskih Novina“) Rotterdam, 29. juna.

Dopisnik Reuterovog ureda u jednoj francuskoj luci javlja, da se u utorku očekuje prvi transport američkih četa.

### Obustavljanje socijalističkih napora za mir u Stockholmu?

(Naročiti brzojav „Beogradskih Novina“) Berlin, 29. juna.

Socijalistička „Medjunarodna korespondencija“ donosi važan brzojav iz Stockholma, prema kome se može smatrati da su svi tamošnji napori okončani. Glavni je uzrok ovom sadašnjem obustavljanju u tome, što se ništa pouzdano ne zna o smjerima ruskim. Stockholmski zastupnik radničkog savjeta već osam dana nema nikakve veze s Petrogradom. Svi pokušaji da dobije vezu ostali su bezuspješni. Ova se činjenica može jedino time objasniti, da su tamo izbile nove borbe, zbog čega je prekinut brzojavni saobraćaj. Svi izaslanici neutralnih zemalja napustili su Stockholm.

#### Austro-Ugarska.

#### Pred posjetom austro-ugarskog vladalačkog para u München.

(Naročiti brzojav „Beogradskih Novina“) München, 29. juna.

Austro-ugarski carski supružnici prispijeće ovamo u subotu poslije podne. Uveče će otputovati u Stuttgart u posjetu württemberškog dvora. Posjeta bavarskog dvora je prva javna posjeta austrijskih carskih supružnika.

#### Pokret za mir.

#### Zimmerwaldska konferencija.

Kb. Stockholm, 29. juna.

Zimmerwaldska konferencija će se održati u roku od 8 do 14 dana.

#### Neuspjesi u Mezopotamiji.

#### Odstup indijskog podkralja.

(Naročiti brzojav „Beogradskih Novina“) Rotterdam, 29. juna.

„Daily Mail“ javlja, da je indijski podkralj lord Hardinge morao da odstupi, pošto je objavio izvještaje o engleskim neuspjesima u Mezopotamiji. Lord Hardinge postaće državni podtajnik u ministarstvu spoljnih poslova.

#### Najnovije brzojavne vijesti.

#### Engleska rabulistika.

(Naročiti brzojav „Beogradskih Novina“) Zeneva, 29. juna.

Švajcarski opšti dopisni ured donosi ovaj brzojav iz Londona: Prije nekoliko dana je upravnik engleske građanske službe Chamberlain izjavio, ruska revolucija ima tu dobru stranu, što je sa sporazumnih sila skinula odgovornost za slučaj neuspjeha u ratu. Sad se rat neće više moći smatrati ni kao poraz sporazumnih sila, ni kao uspjeh središnjih vlasti vlastitom snagom.

#### Grad i okolica.

#### Jedna godišnjica.

Danas, 30. juna (17. po starom) u 2 sata ujutro napunilo se ravno četiri godine otkako je bez prethodne objave rata otpočeo drugi balkanski rat.



CIJENE OGLASIMA:

Osmiina jednog milimetarskog retka (42 mm široko staje . . . . . 10 helera
Priposlano: Petina jednog milimetar. retka (70 mm široko) staje . . . . . 40 helera
Bilješke: Petina jednog štamparskog retka (70 mm široko) staje . . . . . Kruna 4
Mali oglasnik: Jednostavna riječ 5 helera, sa masnim slovima 10 helera.

MALI OGLASI

Primaju se: Knez Mihajlova ul. 38.

CIJENE OGLASIMA:

Osmiina jednog milimetarskog retka (42 mm široko staje . . . . . 10 helera
Priposlano: Petina jednog milimetar. retka (70 mm široko) staje . . . . . 40 helera
Bilješke: Petina jednog štamparskog retka (70 mm široko) staje . . . . . Kruna 4
Mali oglasnik: Jednostavna riječ 5 helera, sa masnim slovima 10 helera.

Dentista F. B. Brill

Beograd.
Makedonska ulica broj 5. (do pošte)

„Amerik. specijalista“



„ZUBE“ vještačke u zlatu i u kaučuku samo se u mom ateljeu izrađuju po najboljem originalnom americkom sistemu. Primam od 8-12 i 2-6. 823-1

Kupovine i prodaje

TEGLICE OD POMADE

kupuje i plaća 20 filira komad (sa zaklopcem) Apoteka Dimitrija K. Nikolića, Bitolska ulica 2. 31357-2

EKSERCIJA

za opanke, letvaša svake vrste, blokeja gvozdenih, kožnih, prodaje uz umjerenu cijenu Willi Schosberger Saborna 30, preko puta Miše Poljevića, Beograd. 31700-2

Namještenja.

TRAZI SE

za jedno veliko preduzeće perfektni knjigovodja sa znanjem njemačkoga i hrvatskoga jezika. Pomođe administraciji ovog lista pod „Buchhalter 409.“ 31663-3

RADENICU

za kartonaški posao potrebuje radnji Willi Schosberger, Saborna 30. 31699-3

Stanovi.

IZDAJE SE POD KIRIJU

dućan u ulici Vuka Karadžića 14., za uslove upitaj u istoj kući. 31681-4

IZDAJE SE

kuća zasebna sa pet soba u Smiljanica ulici br. 55. Uplatiti u Braće Nedica ulici br. 4. 31694-4

IZDAJEM SOBU

sa namještajem za jednu osobu. Kosmajka ulica 47. stan br. 5. 31687-4

SOBA
sa namještajem, u centru varoši sa zasebnim ulazom, može se dobiti odmah. Topličin venac 11, gornji sprat — desno. 31701-4

Nestali

TRAZI SE

ko zna, da me izvjesti, da li je ziva sa troje djece Jelena Dim. Dimitrijevića učitelja iz sela Vidrovca kod Negotina, da se javi sestri odmah u Beogradu Darinski Mičić Katleeva ulica 13. 31702-8

KORESPONDENCIJA.

Jovanu Premoviću, Zeneva, za Ziku Perišića kapetana u 7 puku II poziva IV čete IV. bataljona. Molim te podaj koliko možeš novaca mome sinu Stevanu Kazandžiću komordžiji u štabu brzometne artiljerije dunavske divizije II. poziva, pošta broj 414. Koliku sumu ti budeš njemu dao, javi odmah meni, ja ću je ovdje položiti sa velikom blagodarnošću tvojoj ženl Zivki. Pozdravlja te iskreno tvoji Panta Kazandžić iz sela Slanaca. 31649-8

Jovanu Premoviću, Zeneva. Molim izvjestite me, da li je živ i zdrav moj muž Rajko Živković vojnik 3 čete 2 bataljona 7 puka dunavske divizije, rođen iz Kumodraža, okrug beogradski. Već se godinu dana nije javio. Javite na adresu Jelene Damjanović, Mutapova 30. Beograd. Traži ga žena Leposava Živković. Odogovorite preko novina. 31656-8

Jovanu Premoviću, Zeneva. Molim da izvjestite moga muža Ljubu Stejanovića, komordžiju municione kolone II. poziva dunavske divizije; da sam sa Dragčetom živa i zdrava i da mi je novac vrlo potreban, neka mi odmah pošalje. Hristina Stefanovića Ratarska ulica 8. Beograd. 31658-8

Gjrdju Radojloviću, Zeneva. Najučtivije molim da mi pošaljete penziju. Draga Alekse Džimića računospitača glavne kontrol. u sumi od 172 dinara mjesečno. Od septembra 1915. godine do danas nisam primila. Unapred ostaje blagodarna Draga A. Džimić, Čuburska 7, Beograd. 31622-8

Profesoru Miloradu Jankoviću, Zeneva. Porodica Jove Mihajlovića je u Prizrenu. Svi su zdravi, ali sudeći po vještima izgleda mi, da nemaju dovoljno novaca. Neka im Jova odmah pošalje preko Bugarske Banke. Brat je njegov Gjorgje u Smederevu zdrav i dobro mu je. Izvještavao sam Jovu o ovome više puta, ali mi on nikad ne odgovara. Pišite mi, da mi što prije pošalje što više novaca, jer sam u nevolji zbog bolesti svoje djece; da sam primio pet pošiljaka, a posljednju još mara mjeseca, a od tada ništa. Pohitajte. Ustrdno vas pozdravljam. Ivan Vujić, Beogradska ulica 47, Beograd. 31610 g

Jovanu Premoviću, Zeneva. Molim vas izvjestite me za Avrama B. Jakova, vojnika skopijanskog garniz. a. Kod kuće su mu svi zdravi. Unaprijed vam blagodari Cadik Kontforti, Novi Pazar 31587-8

Jovanu Premoviću, Zeneva. Molim dostavite slijedeće mom mužu V. Rendu vojni kapelnik, Solun. Pet mjeseci nijesam dobila vijesti od tebe. Novac mi u četiri pošiljke u jednom stigao preko Wiener Banke. Majci od svake pošiljke odvajam malu sumu na Zimu. Majka će valjda ovamo doći. Danas primih pismo od tebe. Primi pozdrav od majke Rike, Ferya, Gizele i djece. Najviše te grli i ljubi tvoja Paula Rendl, Balkanska 16. Beograd. 31666-8

„BEOGRADSKÉ NOVINE“
izlaze svakoga dana u jutro, a ponedjeljkom kao i poslije praznika poslije podne.
MALI OGLASNIK: Jednostavna riječ 5 helera sa masnim slovima 10 helera. Veći oglasi naplaćuju se prema cijenu i po veličini.
Najpodesniji list za oglašavanje, kao i za korespondenciju jesu „Beogradske Novine“
UREDNIŠTVO: Beograd, Vuka Karadžića ul. br. 10, telefon br. 83.
UPRAVA I PRIMANJE PRETPLATE: Topličin Venac br. 21, telefon br. 25.
PRIMANJE OGLASA: za „Beogr. Novine“ Kneza Mihajla ul. br. 38, telefon br. 245.

BEČ IV, PARK HOTEL
preko puta južnom i istočnom kolodvoru.
Telefon 7493. Telegr. adr.: Park Hotel, Wien IV. 857
Vlasnik: Rudolf Wieninger.
MODERNI UREDJAJ. LIFT. PARNO GRIJANJE.

Beogradjanima poznata hirurška radnja
za izradu vještačkih nogu i ruku, raznih utega, midera za grbave, midera za trbuh (Bauch-Binde), suspenzora i sve ostale predmete od lekara preporučene, kao i sve ostale gumene artikle, najviše lazi se sad pod firmom:
Gross & Comp.
Budapest VII., Kiraly utca 101 sz.

Bravarsko-instalaterska radnja
Petra Jankovića
Kralja Milutina ulica 22.
BEOGRAD — Slavija.
Instalira i opravlja vodovod, klozete, kupatila, česme, kao i sve građevinske radove.
Solidna izrada i umjerena cijena.

Toma Ž. Mihajlović, upravnik glavnog telegrafa u penziji, izvještava svoje srodnike, prijatelje i poznanike, da će svojoj dobroj majci
† Stanici Ž. Petrovići
davati u subotu 30. juna 1917. u 9 i po sati prije podne godišnji pomen u crkvi sv. Nikole na Novom groblju.
Beograd, Prote Mateje ulica 18. 31698

U srijedu 4. jula u 7 i po sati prije podne davaću polu-godišnji parastos mome milom neprežaljenome suprugu
† Ludviku Slaferu
magacioneru Bagdatske željeznice u katoličkoj crkvi, poslaničkoj ulici.
Beograd, Ratarska ulica 39.
Ožalošćena supruga Mileva, ćerka Mici, zet Dragomir.
31696

Pod najvišom zaštitom Njegovog c. i k. Apostolskog Veličanstva.
32. c. k. državna lutrija
u opće vojne dobrotvorne svrhe.
Ova novčana lutrija sadrži 21.146 srećaka u gotovom novcu u ukupnom iznosu od 625.000 kruna.
Glavni zgoditak iznosi: 200.000 kruna.
Javno vučenje u Beču 26. jula 1917.
Jedna srećka stoji 4 kruna.
Srećke se dobiju kod odjeljenja za dobrotvornu lutriju Beč, III. Vordere Zollamtsstrasse 5, kod kralj. ugar. lutrijskog ravnateljstva u Budim-Pešti IX., u glavnoj carinskoj zgradi, u lutrijskim kolekturama, u trafikama, kod poreznih, poštanskih i željezničkih ureda, u menjačnicama i t. d. Plan igre za kupce besplatan. Srećke se šalju prosto od poštarine.
Iz c. k. Generalne Direkcije za Državne Lutrije. (Odjeljenje za dobrotvornu lutriju).

Porodica pokojnog Dr. Jovana Gjurića javlja srodnicima i prijateljima da će svome dobrom i nikad nezaboravljenom
† Dr. Jovanu Gjuriću
apotekaru
davati trogodišnji parastos u ponedjeljak 2. jula ove godine u beogradskoj Sabornoj crkvi, i to u 10 sati prije podne.
Beograd, 28. maja 1917. 31671

Porodica Radojlović, davaće četrdeseto-dnevni pomen svome dobrom i neprežaljenom
† Radoju P. Radojloviću
načelniku pošta i telegrafa
u ponedjeljak 2. jula u 11 sati prije podne u Sabornoj crkvi.
Umoljavaju se srodnici i prijatelji da izvole prisustvovati ovome tužnom pomenu.
Beograd, juna 1917.
Jugovića ulica 2. 31678

Prvo c. kr. povel. dunavsko parobrodarsko društvo.

Red plovidbe mjestnog parobroda izmedju
ZEMUNA I PANCSOVA
(za putnike, robu i povlaku šlepova).
Važi od 16. lipnja 1917. do daljne naredbe.
DNEVNO

Table with 4 columns: Iz, Za, Prije podne, Po podne. Rows for ZEMUNA-PANCSOVA and PANCSOVA-ZEMUN.

PRIMJEDBA: U Tamiš ulaze i izlaze brodovi samo onda, ako to stanje vode i vrijeme dopuštaju.
Cijene vožnja izmedju Zemuna—Pancsova ili obratno: 1. mjesto 180 fil., II. mjesto 130 filira.
Pristojbe za prtljage izmedju Zemuna—Pancsova ili obratno: Do 25 kigr. 80 fil., preko 25 do 50 kigr. 120 fil. — Za prtljag u težinu preko 50 kigr. naplaćuje se za svaki početi 25 kigr. 60 filira.
Tržna roba otprema se uz naplatu pristojba propisanih za prtljag.
Za utovarivanje i istovarivanje, i čuvanje prtljaga i tržne robe imaju se p. n. putnici sami pobrinuti.
Trgovačka roba otprema se u mjestnom prometu Zemun—Pancsova ili obratno samo kao brzovoz uz naplatu tarifalnih brzovoznih pristojba.
Izvadak iz društvenog pravilnika.
U ovome redu plovidbe navedeno vrijeme označuje najraniji odlazak i dolazak parobroda.
Zakašnjenje ili izostajanje pojedinih ne daje nikakvih prava na odštetu prema upravi.
Za željezničke i parobrodne veze ne jamči uprava.
ZEMUN, mjeseca lipnja 1917.

Glavna agencija.

Kartonaža „Napredak“
Pop Lukina ulica 2, Beograd.
Izrađuje razne kutije za apotekare, kutije za sapune u svima veličinama. Povezuje razne formulare, ima na stovarištu raznih notesa i kutije za pomadu. 31675
Cijene su solidne a usluga brza i tačna.

„PEROCID“
ZA PRSKANJE VINOGRADA
DOBIVA SE KOD
AVRAMA S. KOENA I K<sup>o</sup>
BEOGRAD, Saborna ulica 29. 31669

Hotel „LONDON“
u blizini željezničke stanice; pred hotelom Tramvajska stanica
uzeo sam ponova pod zakup. Stavljam to na znanje štovanim posjetiocima hotela, kako ovdešnjem građanstvu tako i putnicima.
Sobe sam ponovo spremio za prenoćište tako, da će svaki biti potpuno zadovoljan, kao i dobar kost u kafani.
Molim štovane posjetioce, da se uvjere o mome dugogodišnjem radu hotelskom.
Beograd, juna 1917.
S poštovanjem
Jovan Savić,
hotelier.
31623

Sa ojadjenim srcem i najvećim bolom u duši javljamo našim prijateljima i poznanicima, da je naš veliki ponos i zaštita, nježni suprug, plemeniti otac i dobri deda
† Milan P. Dragojević
trgovac iz Robaja, bivši vladin i narodni predstavnik i član ustavotvornog odbora Velike Narodne Skupštine
preminuo 19. juna u večer, poslije kratkog bolovanja, a sarranjen je 21. istog mjeseca uz veliko učešće građana iz sreza kolubarskog, kao varoši Valjeva, Mionice i okolnih srezova.
Smatramo za najveću dužnost, da i ovim putem izjavimo blagodarnost svima onima, koji milog nam pokojnika ispratiše u impozantnom broju do vječne kuće.
Neka prime našu naročitu zahvalnost gospoda sveštenici i učitelji koji iz počasti pri opijelu činodjejtvovaše. Vječita hvala neka je i onima prijateljima, koji se na onako dirljiv način oprostiše sa našim dragim pokojnikom, te nam u nekoliko i tugu ublažiše.
Robaja, mjeseca juna 1917.
Za navjek ožalošćeni.
supruga Hristina; sinovi: pop Panta i Mika ekonom; unuci: Miloje, Jevrem i Milan; snahe: Jelica, Danica i Vukosava; kćeri: Milka, Mileva, Hristina, Caja, Persa i Rajna; zetovi: Andrija, Radisav, Dragomir, Dragomir, Vojislav i Mališa i ostala mnogobrojna rodbina.
31692